॥ मृत्युञ्जयहोम-मन्त्राः॥

अपैतु मृत्युर्मृतं न आगंन्वैवस्वतो नो अभयं कृणोतु। पुणी वनस्पतेरिवाभिनेः शीयता १ रियः सर्चतां नः शचीपतिः॥१॥ परं मृत्यो अनु परेहि पन्थां यस्ते स्व इतरो देवयानात। चक्षुंष्मते शृण्वते ते ब्रवीमि मा नंः प्रजा रीरिषो मोत वीरान्॥२॥ वातं प्राणं मनसाऽन्वा रंभामहे प्रजापंतिं यो भुवनस्य गोपाः। स नों मृत्योस्रायतां पात्व १ हंसो ज्योग्जीवा जरामंशीमहि॥३॥ अमुत्र भूयादध यद्यमस्य बृहंस्पते अभिशंस्तेरम्ंश्रः। प्रत्यौहतामिश्वनां मृत्युमंस्माद्देवानांमग्ने भिषजा शचींभिः॥४॥ हरि हर्रन्तमनुंयन्ति देवा विश्वस्येशानं वृषमं मंतीनाम्। ब्रह्म सर्रूपमनुमेदमागादयंनं मा विवधीर्विक्रमस्व॥५॥ शल्कैरुग्निमिन्धान उभौ लोकौ संनेमहम्। उभयौलींकयोर्-ऋध्वाऽतिं मृत्युं तंराम्यहम्॥६॥ मा छिंदो मृत्यो मा वंधीमां मे बलं विवृहो मा प्रमोपीः। प्रजां मा में रीरिष आयुंरुग्र नृचक्षंसं त्वा हविषां विधेम॥७॥ मा नो महान्तंमुत मा नो अर्भुकं मा न उक्षंन्तमुत मा ने उक्षितम्। मा नों वधीः पितरं मोत मातरं प्रिया मा नंस्तनुवों रुद्र रीरिषः॥८॥ मा नंस्तोके तनये मा न आयुंषि मा नो गोषु मा नो अश्वेषु रीरिषः। वीरान्मा नों रुद्र भामितो वंधीर्हविष्मंन्तो नमंसा विधेम ते॥९॥ प्रजापते न त्वदेतान्यन्यो विश्वां जातानि परिता बंभूव। यत्कांमास्ते

भूर्भुवः

मृत्युञ्जयहोम-मन्त्राः जुहमस्तन्नों अस्तु वयङ् स्यांम पतंयो रयीणाम्॥१०॥ यतं इन्द्र भयामहे ततों नो अभयं कृधि। मर्घवन्छग्धि तव तन्नं ऊतये विद्विषो विमृधों जिह॥११॥ स्वस्तिदा विशस्पतिंवृत्रहा विमृधीं वृशी। वृषेन्द्रंः पुर एंतु नः स्वस्तिदा अभयङ्करः॥१२॥ त्र्यम्बकं यजामहे सुगन्धिं पुष्टिवर्धनम्। उर्वारुकिमीव बन्धंनान्मृत्योर्मुक्षीय माऽमृतांत्॥१३॥ अपंमृत्युमपक्षुधम्। अपेतः शपर्थं जिह। अधां नो अग्न आवंह। रायस्पोष र सहस्रिणम्॥१४॥ ये ते सहस्रमयुतं पाशाः। मृत्यो मर्त्याय हन्तंवे। तान् युज्ञस्यं माययाँ। सर्वानवयजामहे॥१५॥ जातवेदसे सुनवाम सोमं मरातीयतो निदंहाति वेदंः। स नंः पर्षदितं दुर्गाणि विश्वां नावेव सिन्धुं दुरिताऽत्यग्निः॥१६॥

भूर्भुवः स्वंः। ओजो बलम्ं। ब्रह्मं क्षत्रम्। यशों महत्। सत्यं तपो नामं। रूपममृतम्। चक्षुः श्रोत्रम्। मन आयुंः। विश्वं यशों महः। समं तपो हरो भाः। जातवेदा यदि वा पावकोऽसिं। वैश्वानरो यदि वा वैद्युतोऽसिं। शं प्रजाभ्यो यर्जमानाय लोकम्। ऊर्जं पुष्टिं ददंदभ्यावंवृथ्स्व॥१७॥ मृत्युर्नेश्यत्वायुर्वर्धतां भूः। मृत्युर्नश्यत्वायुर्वर्धतां भुवंः।

मृत्युर्नश्यत्वायुंविर्धता ५ सुवंः। मृत्युर्नश्यत्वायुंविर्धतां

स्वंः। मृत्युर्नश्यत्वायुर्वर्धताम्॥

॥ॐ शान्तिः शान्तिः शान्तिः॥



(तैत्तिरीयारण्यकम् - ४/प्रपाठकः - ३/अनुवाकः - १५)

हरि हर्रन्तमनुंयन्ति देवाः। विश्वस्येशानं वृषभं मंतीनाम्। ब्रह्म सरूपमनुमेदमागात्। अयनं मा विवधीर्विक्रमस्व। मा छिंदो मृत्यो मा वधीः। मा मे बलं विवृहो मा प्रमोषीः। प्रजां मा में रीरिष आयुंरुग्र। नृचक्षंसं त्वा हविषां विधेम। सद्यश्चंकमानायं। प्रवेपानायं मृत्यवे"॥१॥

प्रास्मा आशां अशृण्वन्। कामेनाजनयन्पुनः। कामेन मे काम आगाँत्। हृदंयाद्धदंयं मृत्योः। यदमीषांमदः प्रियम्। तदैतूपमामभि। परंं मृत्यो अनु परेहि पन्थांम्। यस्ते स्व इतरो देवयानांत्। चक्षुंष्मते शृण्वते तें ब्रवीमि। मा नंः प्रजा रीरिषो मोत वीरान्। प्र पूर्व्यं मनसा वन्दंमानः। नाधंमानो वृषभं चंर्षणीनाम्। यः प्रजानमिकराण्मानुषीणाम्। मृत्युं यंजे प्रथमजामृतस्यं॥२॥

penerated on March 16, 2024